

2023KO UZTAILAREN 20AN GOBERNU BATZARRAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeia

HILABETEA: Uztaila.

URTEA: Bi mila eta hogeita hiru.

HASIERAKO ORDUA: Arratsaldeko bostak eta erdi

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Sei (6)

MAHAIBURUA: Leire Artola Ugalde (EAJ-PNV)

BILDUA: Adur Ugartemendia Leunda (EAJ-PNV)

Mariola Paredes Pascual (EAJ-PNV)

Hasier Agirre Elkoroberezibar (BEASAINGO EH BILDU)

Eva Alvarez Atanes (Socialistas Vascos-Euskal Sozialistak)

Wesley Aritz Corsitto Agirre (ELKARREKIN PODEMOS EZKER ANITZA /

IU-ALIANZA VERDE)

IDAZKARIA: ITZIAR AROZTEGUI APAOLAZA

1.- LURRALDE BATZORDEKO PROPOSAMENAK:

a.- **OBRAK KONTRATATZEA:** BEASAINGO UDAL HILERRIKO NITXOAK ERABERRITZEKO
OBRAK: 2023PROB0007

- Lizitazioa hutsik uztea.

Ondorengoa ezagutzera eman da:

Gobernu Batzordeak 2023-05-18an egindako bileran erabaki zuen “*Beasaingo udal hilerriko nitxoak eraberritzeko*” lizitazio espedientea onartzea eta kontrataziorako deialdi publikoa egitea.

Deialdia, Euskadiko kontrataziorako plataforman 2023-05-19an argitaratu zen. Eskaintzak aurkezteko epea 2023-06-08an amaitu zen baina epe horretan ez zen inolako lizitatzailerik aurkeztu.

Horren ondorioz, lizitazioa hutsik geratu da lizitatzailerik faltagatik.

- Berri bat egitea proiektua eta pleguak onartuz.

Lurralde Batzordeko proposamenaren berri eman da: aipatutako lizitazioa egitea deialdia publikoa eginez, baldintza administratibo eta teknikoa onartuz:

1.- *Prozedura:* irekia eta sinplifikatua publizitatearekin. Lizitazio elektronikoa.

2.- *Izapidetzea:* arrunta

3.- *Lizitazio prezioa:* 193.132,13 €+ BEZ

4.- *Egikaritze epea:* 12 aste. Obra lanak 2023ko azaroaren 2an hasi beharko dira.

5.- *Kaudimen ekonomiko, finantzarioa:* Urteko negozio-bolumena, kontratuaren esparruari dagokiona. Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta

enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: 289.698,20 € gutxienez.

6.- Kaudimen teknikoak:

Titulu akademikoak eta profesionalak, eta, bereziki, kontratua gauzatzeko arduradunarenak edo arduradunenak, bai eta zuzenean horretaz arduratzen diren teknikarienak ere: Obra burua: Arkitektoa, arkitekto teknikoa, eraikuntzako ingeniari teknikoa edo goi mailako ingeniaria. %40etik gorako dedikazioa. Obraren arduraduna: Titulazio jakinik gabea. %100eko dedikazioa.

7.- Aurkezteko epea, ordua eta lekua: 2023ko irailaren 1a, 23,55arte. Lizitazio elektronikoa.

8.- Adjudikazio irizpideak:

Formula automatikoen bidez baloratzen ez diren irizpideak (25 puntu)

- Obrako sarbide eta irteeren, okupatutako azaleren eta biltegitratzeko eremuen azterketa eta zehazpena (9 puntu).
 - Obrarako sarbideak, obrak hartzen dituen azalerak eta materialak biltzeko aurreikusitako eremuak aztertu eta definitu beharko dira. Proposamenaren egokitasuna, argitasuna eta definizio-maila, kontuan hartutakoak eta planteatutako proposamenaren bideragarritasuna baloratuko dira, obraren ezaugarrien eta berezitasunen arabera.
 - Fitxategi bat aurkeztuko da PDF formatuan (E 1/200) eta DWG formatuan. Obraren esku hartzen duten elementu guztiak grafiatu beharko dira: sarbideak, hesiak, etxolen kokapena, metaketa-eremuak, etab.
 - A4 formatuko orri bat aurkeztuko da bi aldeetatik, Arial 10 letrarekin, kontzeptu horiek azalduz.
- Obra lanen plangintza eta antolaketa (9 puntu).
 - Proposamenaren egokitasuna eta obraren plangintzaren eta antolaketaren justifikazioa baloratuko dira.
 - Asteka banakatutako PDF fitxategi bat aurkeztuko da, proposatutako plangintza zehaztuz eta obrako ataza bakoitza definituz, bai eta horren zeregin kritikoak ere.
 - Obraren plangintza ekonomikoa aurkeztuko da hilabetetan eta ehunekoetan, lizitazio-prezioa oinarritzat hartuta.
 - A4 formatuko orri bat aurkeztuko da bi aldeetatik, Arial 10 letrarekin, kontzeptu horiek azalduz.
- Obra lanak sor ditzaketen afekzioen azterketa eta hauek mugatzeko hartu beharreko neurrien proposamenak (7 puntu).
 - Obrak eragindako kalteen azterketa egin beharko da, esparruaren irakaskuntza-erabilerari edo beste edozein eratako erabilerari erreparatuta, eta horiek aldatzeko neurri zuzentzaileak, antolamendukoak eta planifikaziokoak aurkeztu beharko dira.
 - Antzemandako eraginen norainokoa eta garrantzia baloratuko dira, baita aurkeztutako neurri zuzentzaileena ere.

Formula automatikoen bidez puntuatzeko irizpideak. (75 puntu)

- Eskaintza ekonomikoa. 59 puntu.

Atal hau ebaluatzeko, Zerbitzu Teknikoek aldeztu aurretik homogeneizatuko dituzte, beharrezkotzat jotzen badute, aurkeztutako eskaintzak.

Puntuazioa ezartzeko, honela banatuko da:

0 puntu emango zaizkio lizitazioaren oinarritzeko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$$B_{\max} \leq 50\% \gg P = 200 \times B$$

$B_{max} > 50\% \gg P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintako prezioa}) / (\text{Lizitazioaren gehieneko aurrekontua})$.

B_{max}: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

Agirian ezarritako berme epea baino luzeagoa eskaintzea: 16 puntu

Modu honetan balioztatuko da:

Agirian ezarritako berme epea baino luzeago bat aurkezten duen eskaintzaileak, hau da, urtebetetik gorako berme epea, 2 puntu eskuratuko ditu gehiegizko urte bakoitzeko, gehienez ere 16 puntura iritsi arte.

(Gehieneko puntuazioa lortuko da eskaintzaileak 9 urteko berme-epea eskaintzen duenean, pleguari dagokiona gehi eskaintako bermearen 8). Berme-epe gisa pleguan ezarritakoa aurkezten duen eskaintzak (urte 1) zero puntu lortuko ditu.

9.- *Proposamenak irekitzeko lekua, eguna eta ordua:* plika irekitzea kontratatzailearen profilean argitaratzen den tokian, egunean eta orduan egingo da.

10.- *Aurkeztu beharreko agiriak:* Lizitazioaileek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza berezia, gizarte arlokoa:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak gutzizko langileen %40a iristen ez direnean.

Bozketa eginda, aho batez onartu da proposamena.

b.- HORNIDURA ETA INSTALAKUNTZA KONTRATATZEA: EROSTEKO AUKERARIK GABEKO ERRENTAMENDUAREN BIDEZ, BEASAINGO GABONETAKO ARGITERIA HORNITU, MUNTATU, MANTENDU ETA DESMUNTATZEA KONTRATATZEA. 2023ZEBO0078

- **Lizitazioa hutsik uztea.**

2023-06-21eko kontratazio-mahaiaren aktaren berri eman da:

“1.- 2023-05-18. Gobernu Batzordeak baldintza pleguak onartu zituen ondorengo kontratatzeko: Beasaingo gabonetako argiteria hornitzea, muntatzea, mantentzea eta desmuntatzea, erosteko aukerarik gabeko errentamenduaren bidez.

2.- 2023-05-19. Kontratazioarako plataforma iragarri zen deialdia.

3.- 2023-06-14. Eskaintzak aurkezteko epearen amaiera. Epe horretan honako hauek aurkeztu dira: XIMENEZ CATALUNYA SL eta ARGILINEX, S.L.

4.- 2023-06-15. A artxibo elektronikoaren irekiera. Aurkeztutako dokumentazioa kalifikatu eta ero, ondorengo egiaztatu da:

XIMENEZ CATALUNYA SL

- EKAB aurkeztu du, sinatuta eta data jarrita. Bertan kaudimen ekonomikoa aitortzen da, eta kaudimen teknikoari dagokionez, izaera bereko edo antzeko lanen zerrenda ere aitortu du.
- Erantzukizun zibileko aseguruaren zenbatekoa ere aitortu du. Ez dator bat pleguan eskatutakoarekin, baina adjudikazioduna izanez gero, egokitzeko eskatuko zaio.
- Muntaketaren eta desmuntaketaren % 50 azpikontratatzeko asmoa adierazi du. Horri dagokionez, esan behar da, ezaugarrien taulako 22. atalean, besteak beste, muntaketa, instalazio elektrikoa, mantentze-lanak eta desmuntatzea aipatzen direla esleipendunak exekutatu beharreko lan-kritiko gisa.
- Ez du identifikatzen kontratuaren koordinatzailea, eta ez du aurkezten ezaugarrien taulako 14. atalean adierazitako titulazioa.
- Era berean, ez du justifikatzen ezaugarri-aulako 6b) atalean adierazitako instalatzaile-txartela duen langilerik duenik.

ARGILINEX, S.L.

- EKAB aurkeztu du, sinatuta eta data jarrita. Bertan kaudimen ekonomikoa aitortzen da, eta kaudimen teknikoari dagokionez, izaera bereko edo antzeko lanen zerrenda ere aitortu du.
- Erantzukizun zibileko aseguruaren zenbatekoa ere aitortu du. Bat dator bat pleguan eskatutakoarekin.
- Azpikontratazioari buruz, ez du aipamenik egiten.
- Ez du identifikatzen kontratuaren koordinatzailea, eta ez du aurkezten ezaugarrien taulako 14. atalean adierazitako titulazioa.
- Justifikatzen du ezaugarri-aulako 6b) atalean adierazitako instalatzaile-txartela duen langilerik duenik.

5.- 2023-06-15. Enpresa lizitatzaleei 3 laneguneko epea ematen zaie, hau da, ekainaren 20arte (hau barne), ondorengo egokitu eta zuzentzeko:

XIMENEZ CATALUNYA SL

Azpikontratazioa, koordinatzailearen identifikazioa eta honen tituluak eta instalatzaile-txartela duten langileak.

ARGILINEX, S.L.

koordinatzailearen identifikazioa eta honen tituluak

6.- 2023-06-20. ARGILINEX, SL enpresak eskatutako dokumentazioa aurkeztu du, baina izendatzen duen koordinatzailearen titulazioa (LH1, adar elektrikoa) ez dator bat baldintza agirian eskatutakoarekin (goi-mailako gradua edo LH2 adar elektriko edo elektronikoan edo ingeniartzako graduak).

Ondorio horietarako, adierazi behar da LH1 edo teknikari laguntzailea gaur egun erdi-mailako prestakuntza-zikloa (MMHZ) edo teknikari-titulua deitzen dela; LH2 edo teknikari espezialista, berriz, gaur egun goi-mailako prestakuntza-zikloa (GMHZ) edo goi-mailako teknikariaren titulua deitzen zaio.

7.- XIMENEZ CATALUNYA SL enpresak ez du errekeritutako dokumentazioa aurkeztu.

Ondorioz, kontratazio-mahaiak kontratazio-organoari (Tokiko Gobernu Batzordeari) proposatu dio lizitazioa hutsik uztea, aurkeztutako enpresa lizitatzailerik ez dituztelako betetzen pleguan eskatutako kaudimen teknikoaren baldintzak.

Bozketa eginda, aho batez onartu da kontratazio-mahaiaren proposamena.

- Berri bat egitea pleguak onartuz.

Lurralde Batzordeko proposamenaren berri eman da: aipatutako lizitazioa egitea deialdia publikoa eginez, baldintza administratibo eta teknikoak onartuz:

1.- *Prozedura*: irekia eta publizitatearekin. Lizitazio elektronikoa.

2.- *Izapidetzea*: arrunta

3.- Lizitazio prezioa: 37.190,08 €+ BEZ

4.- *Egikaritze epea*: lau hilabete, 2023ko azaroaren 1etik kontatzen hasita.

5.- *Kaudimen ekonomiko, finantzarioa*: Urteko negozio-bolumena, kontratuaren esparruari dagokiona. Azken hiru urteetako ekitaldi oneneko negozio-bolumena izango da; kontuan hartuta enpresaburuak enpresa noiz sortu duen edo jarduerak noiz hasi dituen eta eskaintza noiz aurkeztu duen. Zenbatekoa: $37.190,08 \times 1,5 = 55.785,12$ € gutxienez.

6.- *Kaudimen teknikoa*:

a) Gehienez azken hiru urteetan egindako hornidura nagusiak, zehazki kontratuaren xede diren antzekoak. Zehaztu behar dira lan horien zenbatekoa, data eta hartzailea (publikoa edo pribatua). Egikaritze handieneko urtean metatutako urteko zenbatekoa kontratuaren urteko batez bestekoaren %70 edo gehiago: $37.190,08 \times 0,7 = 26.033,05$ €.

b) Enpresa kontratistak pertsona bat gutxienez izendatuko du kontratuaren arduradun eta dokumentu honetako 14. atalean adierazitako formazioa izan beharko du

c) Enpresa lizitatzailerik instalatzaile-txartela duten langileak dituela egiaztatzen duen agiria, Behe Tentsioko Erregelamendu Elektroteknikoaren 042 Jarraibidean xedatutakoaren arabera, dagokion erakundean behar diren instalatzaile-buletinak sinatzeko eta/edo igortzeko gaitzen duena.

7.- *Aurkezteko epea, ordua eta lekua*: Hogeita sei naturalak, 23,55arte. Lizitazio elektronikoa.

8.- *Adjudikazio irizpideak*:

Formula automatikoen bidez baloratzen ez diren irizpideak (49 puntu)

- Proposamen teknikoak

Proposamen teknikoak aurkeztu beharko da, eta plegu teknikoaren 12. artikuluan eskatzen den dokumentazioa aurkeztu beharko da.

Kontratuaren zati finkorako (2023-2024 ekitaldia) aurkeztutako dokumentazioaren azterketa eta definizio-maila baloratuko da.

- Gorabeherak konpontzeko zerbitzua

Erabilitako bitartekoak eta aurkeztutako protokoloaren bideragarritasuna baloratuko dira.

-Elementuen diseinua.

Proposatutako dekorazio-elementuen diseinua eta apaindura-kalitatea baloratuko dira.

Kontratuaren zati finkorako (2023-2024 ekitaldia) aurkeztutako dokumentazioaren azterketa-eta definizio-maila baloratuko da.

Puntuazioan honako hauek hartuko dira kontuan:

Estetika eta gaia:

Eguberrietako motiboen elementu estetiko guztiak baloratuko dira: koloreak, formak, konposizioa... motibo desberdinen egokitasun- eta originaltasun-maila baloratuko da, baita Gabonetako gaiarekiko argitasuna ere.

Dinamismoa;

Proposatutako dekorazio-elementuetan argi- eta/edo sekuentzia-jokoak eta/edo hiru dimentsioko elementu gehiago edo gutxiago egotea baloratuko da.

- Horniduraren eta instalazioaren igoera

Alde batetik, baloratuko da Gernika pasealekuan instalatzea eskatutako gutxieneko elementuen unitateak gehitzea.

Bestalde, Gabonetako elementuak eta aparteko apaingarriak baloratuko dira (kontratazio-mahaiaren iritziz Gabonetako paisaiari ikusgarritasun eta sentsazionalismo handia ematen diotenak), honako leku hauetan: Ezkierdi frontoia (frontoiaren aurreko espazioa), Barrendain plaza, Bideluze plaza, Erauskin plaza eta San Martin plaza.

Kontratuaren zati finkorako (2023-2024 ekitaldia) aurkeztutako dokumentazioaren azterketa-eta definizio-maila baloratuko da.

Puntuazioan honako hauek hartuko dira kontuan:

Instalatzeko eskatutako gutxieneko elementuen unitateak handitzea:

0,1 puntu x unitate.

Salbuespenezko dekorazio-unitatea edo -multzoa, 0 - 2 puntu artekoa / unitateko

Formula automatikoen bidez puntuatzeko irizpideak. (51 puntu)

- Eskaintza ekonomikoa. 51 puntu.

Atal hau ebaluatzeko, Zerbitzu Teknikoek aldeztu aurretik homogeneizatu dituzte, beharrezkotzat jotzen badute, aurkeztutako eskaintzak.

PREZIOA (FÓRMULA)

Puntuazioa ezartzeko, honela banatuko da:

0 puntu emango zaizkio lizitazioaren oinarritzko aurrekontua berdintzen duen eskaintzari, eta 2 puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa interpolatu egingo da.

$B_{max} \leq 50\% \Rightarrow P = 200 \times B$

$B_{max} > 50\% \Rightarrow P = 100 \times B / B_{max}$

Izanik,

P: Baloratu beharreko eskaintzaren puntuazioa.

B: $Baja = 1 - (Eskaintako prezioa) / (Lizitazioaren gehieneko aurrekontua)$.

Bmax: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

EZOHICO ESKAINTZA BAXUAK

Eskaintza anormalki baxutzat hartuko da onartutako eskaintzen batez bestekoa baino 15 puntu baxuagoa den baja duena. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko beharrezkoak diren kostuak estaltzera iristen ez direnak.

9.- *Proposamenak irekitzeko lekua, eguna eta ordua:* plika irekitzea kontratistatzailearen profilean argitaratzen den tokian, egunean eta orduan egingo da.

10.- *Aurkeztu beharreko agiriak:* Lizitatzailleek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza berezia, gizarte arlokoa:*

Kontratua egikaritzeko langile berriak kontratatzea beharrezkoa balitz eta enpresa kontratistak edo azpikontratistak emakumeen ordezkaritza ez orekatua balu langileen artean, kontratua egikaritzeko eta egikaritze epe osoan zehar, gutxienez ere, emakume bat kontratatu beharko du langile berri moduan edo, gutxienez ere, aldi baterako kontratatutako emakume bati kontratu mugagabea egin beharko dio. Langile multzoa ez orekatua dela ulertuko da emakumeak guztizko langileen %40ra iristen ez direnean.

Hitz egiteko txanda eman ondoren, iritzi hauek azaldu dira:

Eva Alvarez Atanes andreak (Socialistas vascos-Euskal sozialistak) adierazi du beraien ustetan ez dagokiola arduradunari euskara ahozko trebetasunean eskatzea, herritarrekin ez duelako hitz egin behar baizik eta harremana udalarekin izango duelako. Hori dela eta garrantzirik kendu gabe, baldintza hori errebisatu egin beharko litzatekeela dio, beste kasu batzuetan egin den bezala. Baldintza hori mantentzeak konkurrentzia saihesten du.

Alkate andreak ihardetsi du esanez baldintza hori jarri dela gobernu taldeak euskarari garrantzia ematen diolako.

Horren inguruan, Wesley Aritz Corsitto Agirre jaunak (ELKARREKIN PODEMOS EZKER ANITZA / IU-ALIANZA VERDE), gogorarazi du 2023ko urtarrilean Auzitegi Nagusiak emanda ko epaia, azpikontratazioetan euskara eskatzeagatik.

Hasier Agirre Elkoroberezibar jaunak (BEASAINGO EH BILDU), gabonetako argien kontsumo-kostuaren inguruan, proposatu du beste lizitazio baterako esleipen irizpide gisa kontsumoa aurrezteko baloratzea, izan ere gobernu-taldeak argi-indarraren kostua handia ez izatea defendatzen badu ere adierazi du kostua, 18.000 €tik 40.000 €ra igo egin dela azkeneko urtean. Proposamen honen aurrean, aurreko lizitazioko jarrera mantenduko dutela esan du.

Adur Ugartemendia Leunda jaunak (EAJ-PNV) erantzun du esanez udalari dagokiola erlojua programatzea argiak piztu eta itzalita egoteko. Begi onez ikusi du, BEASAINGO EH BILDUKO ordezkariak egindako iradokizuna.

Alkate andreak (EAJ-PNV) esan du, orain argiak "led" motatakoak direla eta horrek ere gastua kontrolatzen laguntzen duela.

Gaia behar adina eztabaidatu ondoren, bozketa eginda eta ondorengo lortu da:

Aldeko botoak: 3 (EAJ-PNV)

Aurkako botoak: 1 (Beasaingo EH Bildu)

Abstentzioak: 2 (Socialistas Vascos-Euskal Sozialistak, ELKARREKIN PODEMOS EZKER ANITZA / IU-ALIANZA VERDE)

Beraz, proposamena gehiengo soilarekin onartu da.

c.- OBRA ZIURTAGIRIA: 1. OBRA ZIURTAGIRIA, BEASAINGO ALKARTASUNA LIZEOA H.L.H.I.KO FRONTOIAREN TEILATUAREN ERABERRIKETA ETA, IRISGARRITASUN ETA SEGURTASUN BALDINTZAK EGOKITZEKO OBREI BURUZKOA. 2023PROB0004

Aho batez onartu da, "Beasaingo Alkartasuna Lizeoa H.L.H.I.ko frontoiaren teilatuaren eraberriketa eta, irisgarritasun eta segurtasun baldintzak egokitzeko obrei buruzko lehenengo obra-ziurtagiria, 185.754,44 €koa (BEZ barne)"

Lurralde batzordeko lehendakariak adierazi du, oraindik lan batzuk amaitzea falta direla, baina asmoa dela irailerako obra likidazioa prestatzea eta gobernu batzordera ekartzea onartu ahal izateko.

2.- ESKAERA ETA GALDERAK

Eskaera eta galderen atalean ondorengoak azaldu dira.

GAZTETXEKO SUTEA

Gaztetxeko sutearen berri eman da. Sutea igandetik astelehenera gertatu zen eta larritzekoa ez bada ere, ikerketari hasiera eman zaiola adierazi da jakiteko zergatik gertatu den.

HAUTESKUNDE OROKORRAK

Jakinarazi da udaletxeko hauteslekuan hobeto seinalizatuko dela zein sekzio eta mahai beheko solairuan jartzen diren eta zeintzuk batzar aretoan.

Eta tratatzeko besterik ezean, bilera arratsaldeko seiak bost gutxiagotan amaitu da eta nik, idazkari naizen honek, akta hau idatzi eta sinatu dut.